



Komentar monetarnih kretanja za maj 2021. godine

Ukupna novčana masa (M2) na kraju maja 2021. godine je iznosila 29,34 milijarde KM, dok je na mjesečnom nivou registrovan rast za 266,7 miliona KM (0,9%). Rast novčane mase (M2) u maju 2021. godine rezultat je rasta novca (M1) za 306 miliona KM (2,0%) i blažeg pada kvazi novca (QM) za 39,3 miliona KM (0,3%). Novac (M1) povećan je usljed rasta prenosivih depozita u domaćoj valuti za 266,4 miliona KM (2,5%) i gotovine izvan banaka za 39,6 miliona KM (0,8%). Kod kvazi novca (QM) zabilježen je rast prenosivih depozita u stranoj valuti za 14,7 miliona KM (0,5%) i smanjenje ostalih depozita u stranoj valuti za 36,4 miliona KM (0,5%) i ostalih depozita u domaćoj valuti za 17,6 miliona KM (0,6%).

Na godišnjem nivou porast novčane mase (M2) iznosi 2,82 milijardi KM (10,6%). Rast je ostvaren kod gotovine izvan banaka za 321,1 milion KM (6,6%), prenosivih depozita u domaćoj valuti za 1,97 milijardi KM (22,4%), prenosivih depozita u stranoj valuti za 442 miliona KM (16,9%), ostalih depozita u domaćoj valuti za 57,7 miliona KM (2,0%) i ostalih depozita u stranoj valuti za 29,2 miliona KM (0,4%).



Protustavka rastu novčane mase (M2) na mjesečnom nivou u maju 2021. godine u iznosu od 266,7 miliona KM (0,9%) je rast neto strane aktive (NSA) za 195,8 miliona KM (1,2%) i neto domaće aktive (NDA) za 70,9 miliona KM (0,6%). Porast novčane mase (M2) na godišnjem nivou od 2,82 milijardi KM (10,6%), rezultat je rasta neto strane aktive (NSA) za 2,29 milijardi KM (15,5%) i neto domaće aktive (NDA) za 526,9 miliona KM (4,5%).

Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	V 2021	III 2021	IV 2021	V 2021	III 2021	IV 2021	V 2021
Aktiva							
1. Neto strana aktiva	17.035,0	141,8	502,0	195,8	16,5	14,9	15,5
1.1. Strana aktiva	19.101,3	65,1	483,3	185,6	9,1	7,5	8,4
1.2. Strana pasiva	-2.066,3	76,7	18,7	10,2	-27,2	-29,5	-28,1
2. Neto domaća aktiva	12.306,1	32,5	-253,3	70,9	-0,2	3,8	4,5
2.1. Potraživanja od centralne vlade (neto) kantona i općina	217,3	-38,4	-333,4	53,4	723,2	-139,9	-159,0
2.2. Potraživanja od domaćih sektora	19.537,7	128,9	101,4	78,5	-0,5	1,0	1,6
2.3. Ostale stavke	-7.448,8	-58,0	-21,4	-61,0	5,3	4,5	5,2
Pasiva							
1. Novčana masa (M2)	29.341,2	174,3	248,6	266,7	8,6	9,9	10,6
1.1. Novac (M1)	15.924,1	72,4	196,9	306,0	14,5	14,9	16,8
1.2. Kvazi novac (QM)	13.417,1	101,9	51,7	-39,3	2,6	4,7	4,1

Ukupni krediti

Ukupni krediti domaćim sektorima na kraju maja 2021. godine iznosili su 20,64 milijardi KM i u odnosu na prethodni mjesec povećani su za 72,8 miliona KM (0,4%). Kreditni rast registrovan je kod sektora stanovištva za 75,1 milion KM (0,7%) i privatnih preduzeća za 12,5 miliona KM (0,1%). Smanjenje kreditnog rasta registrovano je u sektorima vladine institucije za 4,2 miliona KM (0,4%), javna preduzeća za 6,9 miliona KM (1,4%) i ostali domaći sektori za 3,7 miliona KM (2,6%).

Na godišnjem nivou ukupni krediti u maju 2021. godine bilježe porast od (1,9%) ili nominalno 384,1 milion KM. Rast kredita registrovan je u sektoru stanovništva za 310,4 miliona KM (3,2%), vladine institucije za 73,2 miliona KM (6,7%) i javna preduzeća za 39 miliona KM (8,4%). Smanjenje kreditnog rasta registrovano je u sektorima privatnih preduzeća 14,9 miliona KM (0,2%) i ostalih domaćih sektora za 23,6 miliona KM (14,6%).

Sektorska struktura kredita u BiH

	Stanje u mil. KM V 2021	Mjesečne promjene u mil. KM			Godišnje stope promjene u %		
		III 2021	IV 2021	V 2021	III 2021	IV 2021	V 2021
Ukupno	20.644,2	165,5	98,9	72,8	-0,1	1,3	1,9
Od toga:							
Stanovništvo	10.105,9	72,9	59,8	75,1	0,7	2,3	3,2
Privatna preduzeća	8.723,4	66,5	53,9	12,5	-2,1	-0,6	-0,2
Vladine institucije	1.172,0	36,5	-1,9	-4,2	6,2	6,6	6,7
Javna preduzeća	504,9	-13,8	-2,0	-6,9	8,2	9,0	8,4
Kreditni ostalim domaćim sektorima	138,0	3,5	-10,9	-3,7	-5,8	-13,3	-14,6

Devizne rezerve

Devizne rezerve Centralne banke BiH na kraju maja 2021. godine iznosile su 14,06 milijardi KM i povećane su za 25,3 miliona KM (0,2%) u odnosu na prethodni mjesec. Na godišnjem nivou devizne rezerve Centralne banke BiH porasle su za 998,7 miliona KM (7,6%).